

長山縣鄉土志



長山縣鄉土志

歷史

自隋文帝開皇十八年改武強縣為長山縣

夏禹貢屬青州之域

周春秋時為齊夫子邑戰國時為齊於陵

秦屬齊郡

西漢置於陵縣屬青州部濟南郡

東漢屬青州部濟南郡

晉改於陵為烏陵尋廢

劉宋孝武于故於陵縣置武強縣又於縣置廣川郡北

魏因之高齊改廣川郡為東平原郡併東清河平原

二郡入焉

隋開皇二年郡廢六年析置濟南縣十八年改武強縣為

長山縣屬淄州大業初併濟南縣入長山

唐初屬鄒州武德八年州廢仍屬淄州隸河南道

宋屬淄州隸京東路金因之

元初屬濟南路中統五年改屬淄萊路後改淄萊路為

般陽路縣仍屬之

明初屬般陽府洪武九年屬淄川州十二年州廢改屬濟

南府

國朝因之



政績錄

杜翹 元至正中尹縣課農桑恤孤獨崇禮讓息獄訟蒞任初縣飼官馬徵芻豆于民官為給值監縣以偽楮易官緡公獲之械左右不少貸增修學宮又于鄉社建講堂以勸民學

喬遷岐 明正德中流賊入邑城焚掠倉庫公甫任賊復至公樹柵率民死守賊不能入謂守者曰與我劉妓當即去尉縛劉欲縋下公釋之厲聲責尉衆皆感服相持三日乃退南之傑 康熙間任長山令警猾胥息爭訟稅分十限非此日者各安於鄉驛遞囚犯公費毫不擾民修河隄學宮縣署歷著成績

孫衍 康熙間為令操守清潔緩催科蠲積逋革耗羨開設義學修理官廨橋隄結羣英社與士子講學不輟退食稍暇輒吟詩作文

倪企望 安徽桐城舉人乾隆六十年為令有政聲嘉慶六年續修縣志為一邑掌故人咸頌之

程題雁 江西饒州府鄱陽縣進士蒞任後振興文教所識拔多登第一時名士皆出其門每入闈主司恒師事之故荐十中九文場宗匠時推徐程及去土人懷之為立去思碑

陳寬 直隸保定府安州進士為政嚴明庭無留獄時人比龐士元後陞濟南府知府

陶紹緒 四川潼州府安岳縣翰林甫下車即以觀風興文教所取優等多知名士每科場衡文無不奇中邑諸生多師事之後陞歷城

凌壽柏 順天宛平人同治丁卯南檢過境晝夜巡城不解衣者月餘賊退即醵金修城自城東北隅至北門易土為石事未歲調署荷澤土人惜之

程仁均 湖北黃岡人光緒庚辰進士以部選令長山甫下車即以興學校勸農桑罷征役緩催科為要政而引拔後進循循如不及邑西北鄉有杏花溝者乃漢濟水故道堙淤多年號鐵板沙先是屢行疏鑿迄無效公蒞任親行勘驗與諸父老共議挖挾父老難之公因指童子而笑曰若輩雖梗議爾輩必

獲厚利數年後當信吾言遂醵金興工公晝則督役夜則露宿  
閱兩歲而工竣噫以積年水患經數十令而不能去者一旦水國  
變為良田因拓地數百頃焉今之利其利者皆公賜也既又濬  
城東韓信溝大有裨益萬民戴德後宰是邑而興水利者  
咸推公為首云

黃來麟 兗州滕縣舉人任長山教諭學問淵博循循善誘  
其衡文必以唐宋八家為準而明文 國朝次之聆其緒  
論多擢科名公門桃李彬彬稱極盛焉

申際清 沂州府日照縣舉人任長山教諭為人嚴嚴道貌令人敬  
憚及與語藹然可親引入勝同學諸生多蒙造就至今稱經  
師焉

兵事錄

隋大業六年鄒平民王薄據長白山嘯聚剽掠十二年王世充帥師破王薄

金季山東羣盜起歷城張榮據黌堂嶺掠長山等縣之地而有之至元太祖二十年始納款

明正德六年三月流賊劉六齊彥明攻陷縣城劫掠倉庫焚官民廬舍殆半

崇禎間孔有德反攻陷臨邑陵縣齊東屠新城濟南官軍禦賊于苑城店敗績

順治四年高苑賊謝遷攻城焚官舍俱盡

咸豐辛酉二月捻匪剽掠縣境焚燬廬舍虜掠居民九月又串縣境而歸

同治丁卯五月流賊自縣境驅掠而東十月自東而西又自西而東殺戮居民甚衆

耆舊錄

後周

景範 由明經擢第春官歷官至中書侍郎平章事為政  
勤潔立朝耿介卒贈侍中 詳見邑乘

宋

姜遵 真宗朝進士歷官至樞密副使遷給事中長于吏  
治政嚴肅嘗為王曾所推薦卒贈吏部侍郎 詳見邑乘  
韓執贄 仁宗朝進士歷官至吏部侍郎有胆識多善政卒  
年八十五祀鄉賢 詳見邑乘

元

王居敏 居敬弟以孝友聞特詔旌其門曰孝義

明

王得兒 性純孝母病刲股肉啖之疾愈洪武中詔  
旌其門曰孝子

王錫 成化甲午舉人長沙通判署府印值歲饑捐  
賑全活甚眾 詳見邑乘

徐以貞 成化戊戌進士歷官至都御史有能聲著有  
文集詩詞行於世崇禎間追諡忠正祀鄉賢 詳見邑乘

李士翱 嘉靖癸未進士歷官至戶部尚書才具優長著  
有長白集行於世祀鄉賢其裔孫多以科名顯 詳見邑乘

李孝 嘉靖中官郟城知縣人稱逼夷之清

王化 嘉靖癸卯舉人官南京國子助教人稱其逼惠  
之和

曲遷喬 萬曆丁丑進士歷官至通政使言責官守交盡  
無愧著有光裕堂文集行于世祀鄉賢 詳見邑乘

李恂 萬曆舉人以孝聞邑令吳某恂父三畏令成安時  
所拔士也遺以俸金堅却之後令王猷聞其賢敦請不出造  
廬而訪辭以疾終不見其孤介如此

劉一相 萬曆丁丑進士歷官至陝西按察司副使勤敏果  
敢務盡其職著有燕喜堂文集 詳見邑乘

王化遠 事繼母以孝聞萬曆壬午舉人除處州推官有

善政 詳見邑乘

安曦 萬歷丁未進士歷官至工部員外郎為政持大體不附權貴訊獄明允所至有政聲祀蘇州名宦 詳見邑乘

徐日升 萬歷壬子解元歷官至通州道僉事胆識素裕文學兼優著有拳石草堂文集祀鄉賢

王省身 由吏員省祭母卒廬墓三年晨夕跪誦孝經一過且誦且哭日負篋取土築墓二年高二丈餘

彭修翼 萬歷癸丑武進士官至參將立功處建生祠著有陽宅理要 詳見邑乘

劉鴻訓 萬歷翰林歷官至文淵閣大學士著有四素山房集皇華集玉海纂要學紀聞鈔行世明史邑乘俱有傳

史永安 萬歷癸丑翰林官至兵部左侍郎忠介不阿卒贈兵部尚書所著館閣試草翠飛巖集長川詩西臺按

照撫朔督秦諸疏稿行于世 詳見邑乘

劉孔和 邑諸生少個儻好談兵崇禎間見天下已亂散財結客起兵長白山中執偽令數人駐軍黃河竟遇害 詳見邑乘

有日損堂詩集練要堂文集 詳見邑乘

安思 以貢生官岳陽知縣多善政著蕭麓山房擬古一呷四書宗朱詩經宗朱等書

王岬生 崇禎庚戌進士如皋知縣讀書萬卷著有怪石集行世 詳見邑乘

李夢鳳 庠生性純孝好施與多隱德子化熙任湖州司理手書以清白相誨卒後以子貴贈光祿大夫祀鄉賢

李篤之 崇禎丙子舉人少儻好義濟人之急救人之死無德色以子貴贈文林郎 詳見邑乘

李重熙 鄉貢進士性孝友濟人之急成人之美惟恐不及以子貴贈文林郎 事載邑乘

劉孔中 副貢生性孝友好施濟為文沉酣經史所著有鳳遊草讀史液柘枝集倦飛樓行於世 詳見邑乘

李化熙 登進士歷官至刑部尚書多善政好施予代完周村市稅卒後 賜祭葬祀鄉賢周村商民請立專祠

國朝

祠祀之 詳見邑乘

王楨 順治丙戌進士歷官至太常寺少卿博學能文好  
獎人善在諫垣所奏除荒解漕安流亡諸疏皆見施行 詳見  
邑乘

李文熙 順治壬辰進士歷官京師廉介自持出按廣西再  
巡河東鹽課多惠政 詳見邑乘

李予之 康熙庚戌進士歷官至鎮遠知府士農工賈皆被惠  
政土人作歌頌之 詳見邑乘

趙之隨 康熙丙辰進士歷官至雲南學政務矢公慎旋里後  
多善事卒後祀鄉賢 詳見邑乘

王應統 康熙戊辰武狀元歷官至河北總兵精韜畧自服  
官以迄家居囊無長物惟圖書數卷而已 事詳邑乘

李斯援 康熙癸未武進士選入侍衛歷官至長沙副將屢  
平寇亂勤勞著績 事載邑乘

徐啟新 康熙丙戌武會元御前侍衛歷官至甘肅提督  
立戰功忠勤仁厚著有寧波詩集一卷凱旋歌六章 詳見  
邑乘

趙覲光 幼失恃繼母性烈常被笞責勞而不怨由貢生  
官太埔令廉謹稱職以病告歸邑人留之弗得乃立生祠祀  
之 詳見邑乘

李因之 官河東運同值山西總兵姜瓖叛不屈遇害贈山西  
布政司右叅議 詳見邑乘

劉孔懷 拔貢著有四書字徵范文正公流寓考詩經辨韻  
古易序說校正儀禮句讀禪服辨韓文辨韻呂氏鄉約

李斯孚 廩生博學工文有至性著數典類編四卷春秋人  
物編年考四卷 詳見邑乘

李雍熙 庠生孝友成性好任俠多義舉著孝行庸言  
及雜著若干卷 詳見邑乘

袁承紱 歷官至戶部郎中剔弊恤民居鄉好施與里人  
建專祠致祭並請入鄉賢祠 詳見邑乘

王廷貴 優貢生禮部儒士楷子父以壬午殉難廷貴甫  
八歲母以甲申殉節哀毀骨立長師外舅王漁洋弱冠

八歲母以甲申殉節哀毀骨立長師外舅王漁洋弱冠

遊庠食餼名噪一時制軍朱公匾其堂曰學窺聖域詳見邑乘

趙裕 庠生性醇厚端方令人嚴憚樂善好施濟人婚葬以子貴贈奉政大夫戶部郎中祀鄉賢

袁雲蒸 性忠直仁厚善事父母友于昆弟家故貧經紀有法遂號素封而好行其德族鄰待以舉火者數百家於本鄉建義學義集遠近便之以子貴封中憲大夫詳見邑乘

李斯義 康熙戊辰翰林歷官至福建巡撫多善政閩人與韓文公狄梁公並祠祀之著有孝弟編李氏家乘詳見邑乘

李斯佺 歷官至兩淮鹽運使多惠政繼先人代完周村市稅商賈立碑頌之詳見邑乘

袁守侗 乾隆甲子舉人歷官至戶部尚書直隸總督才守兼優實績卓然卒後祀賢良祠付國史館立傳予謚清愨著有雙桐軒稿行世詳見邑乘

賈維楷 官亳州州同勤民潔已居家尤多義舉事載邑乘

張永璜 歲貢生授夏津縣訓導訓士有法代判縣事以慈孝化民著有學庸論語講義詳見邑乘

李毓之 性方正寡言笑燕居匡坐子姓侍側儼若朝典人敬憚之著有警心錄十二卷以子貴贈通議大夫事詳邑乘

朱廷棕 優貢生性嚴毅樂施予排難解紛南門外永安橋地倡義募修范文正公廟殘破產修葺人鬻其妻棕代償其金俾其夫婦完聚荒年助賑全活甚衆其輕財好義多類此詳見邑乘

張彤功 庠生家貧帶經而鋤以養親親卒寢處柩側祭必哭出入必告人稱其孝如丁蘭云詳見邑乘

石曰增 貢生十歲失怙事母恭謹人以孝稱叔兄曰琮終任所護柩過江風浪大作舟幾覆增虔誠跪禱風驟息賴以無恙又好施與人感其德詳見邑乘

石予遵 知福州府曰琮孫也生而穎異事繼母以孝聞九歲能屬文弱冠入泮食餼積學嗜古為知名士

劉宗濂 廩生舉博學宏詞著有數典類編四書辨異羣英歌等書 詳見邑乘

張文松 培業子父輕財好義新城何端簡公嘗題其門曰廉直堪式村西跨孝婦河之傳家橋圮於水培業欲修葺之未成而歿文松思成父志力建板橋後易以石橋子承潛應童子試於興工日入泮人以為善報云

賈之遴 性坦白與世無爭輕財重義朱廷綜等修永安橋之遴施重貲不著姓氏人高其行白於官以善人旌之賈氏之興自之遴始

石希璋 國學生幼篤孝友長好施濟族姪某以年荒將賣其妻希璋出貲俾得完聚村西董孝子祠舊有四賢講義所石氏建為義學歲久漸廢璋與邑紳賈某捐貲葺學舍延名師招生徒人文蔚起皆璋力也

石頤 家貧拾橡負薪讀書山中執親喪以孝聞子曰琮幼穎異頤親教闡明文義遂成進士性坦白急人之難甚於己私鄉里德之

李廷槐 恩貢候選教諭沉潛經史尤精堪輿嘗自勉曰天下事分所應為者得為則力為之不必待於後能任則身任之不必諉諸人著有集義編四冊勒史精華錄三十六卷並刊孝經孔傳附以忠經行世五經箋註三傳集抄爾雅註釋藏于家年八十二又輯虛受集四卷子宗泌監生精醫學著日用切要二十卷寒溫辨治十二卷女科滙編十卷外科燈石錄十二卷小兒科十卷藏於家

李本榆 嘉慶己未翰林屢典鄉試號稱得人歷官至惠潮嘉兵備道卒後崇祀江西名宦祠本籍鄉賢祠

孫貫一 嘉慶辛未翰林由河南道監察御史歷官至工科給事中素性剛直不畏權貴為人忠孝誠敬故奏章無不稱旨

李宗昂 候選縣丞賦性仁孝尤慷慨好義先官保捐納周村市稅近二百年商賈賴焉至道光九年忽有黠者

假增課稅以便私圖致令商業不安市集幾墜昂憤義禦  
之歷稟各大憲請示勒石其姪孫法瑛庠生候補兩淮鹽  
大使又代完周村斗稅人使之

袁叶熊 隨父任在四川潼川府太和鎮以帶勇出力保六  
品軍功咸豐十年又以勦賊得勝保舉守備十一年賊復至迎  
擊力竭被擒賊逼令賺城至城下大呼城上放炮轟賊賊怒  
支解之其妻孫氏弟婦張氏一妹二姑同時投縵上憲奏請  
以守備陣亡例 賜卹給予難廕以彰忠節

袁夢鳴 昆李三人夢鳴其季也性純厚事親以孝聞父  
歿廬墓三載日負土築墓茹素終身不變云

劉澧 道光丙申進士歷任湖南桂陽瀏陽知縣乞終養  
歸課授生徒著有尋樂草堂文集咸豐辛酉上憲委充  
本縣南路團防總辦南捻入境率鄉勇禦賊殉難上憲奏明  
世襲雲騎尉

榮裕琳 咸豐己卯副榜候選教諭賦性恢廓排難解  
紛奉委總辦西路團防辛酉南捻入境率鄉勇禦賊於  
明水力竭殉難上憲奏明入縣忠義祠世襲雲騎尉

王煊祥 庠生賦性質樸學問深純有濟變才咸豐  
同治間捻匪過境城垣傾頽煊祥晝夜經營率勇防守  
伐樹為垣勸民間出箱櫃等器載土築內牆為守城計  
賊屢次來攻幸守禦得法城賴以安積勞成病歿之日遠  
近惜之

張守誥 從九品賦性剛毅同治戊辰南捻過境父子三  
人率眾在村西順德橋與賊戰勢孤力竭罵賊不屈死長子  
獻安扶尸歸葬後蒙卹世襲雲騎尉

張履倫 監生性純厚以孝聞尤善事繼母親沒哀痛  
幾至滅性廬墓三年鄉里咸稱其孝云

王榕吉 道光甲辰進士由直隸望都歷任至兵備道山西  
布政使遷順天府尹終大理寺正卿所至必以輕徭役緩催  
科為急務興學課士折獄如神在天津除封僱商船積弊  
在定州于驛路旁捐廉種樹直隸有驛州縣向係派民  
輸納草豆官役因以漁利顯宦過境借車索馬令望都特

于驛門首大書縣小民貧概不借車八字又於官地種樹以備津貼驛費絕不擾累民間河朔劫盜猖獗官吏多匿不上報收定州時聞城外有響馬率兵役往追至境外盡獲無遺自升任順德後不受屬員餽遺嚴禁首縣供給親理案牘不假手幕僚尤長於用兵自任大名道後防勦兼施動中機宜在晉藩去監務積獎籌書院經費刊小學集註勸士子敦尚實行至於置義田贍族人設同族義塾捐廉奏請廣本縣學額厚德在人尤屬歷久不忘云天津大名等處建有生祠蒙 恩建立專祠

梅雪亭 附貢生性篤實寡言笑自奉儉約而慷慨好義里中有節烈不能自表者輒稟請當道出資立石表之著有盡性輯要明倫輯要行於世

焦雲龍 少食貧性孝友銳志以讀書起家登同治甲戌進士初任米脂繼補三原修整書院設立義塾置育嬰恤瘞局禱雨捐賑修鄭白龍洞二渠以興水利減平餘及陋規萬金有奇每輕車入鄉詢民疾苦三原縣民有語曰公在池陽視民如傷五日在城五日在鄉旋丁父艱回籍廬墓讀書就學者衆服 闕 署安康縣歷任富平長安咸寧等縣革弊興廢崇學校修武備積倉穀刊書集歷任五處善政如一升署綏德州旋補潼關聽調署高州復回潼關本任六年之間奔走弗遑有利即興無弊不除又值 聖駕駐驛長安上而奉公下而恤民必躬必親不辭勞瘁卒于官民哭於署者遠近皆至生則設長生祿位歿則如喪其私親其德政入人之深於此可見歿之日宦囊一空僚友斂貲相助始得殮惟有敝衣書卷而已

李敬鑄 同治間由附貢生報捐銓授雲南祿豐縣典史歷任安甯州吏目新撫司巡檢居官清廉不避艱險因克永昌府出力以府經縣丞補用又奉委查辦緬甸與滇省邊界清晰永免爭執著有勞績保舉知縣又派辦猛丁改土歸流事務營建衙署清文地畝設立義塾深蒙憲眷保障知州補用乃因勦匪結怨竟於光緒甲午春被白土司謀害毒斃卒年四十八歲猛丁地方鄉民立有生祠

朱德裕 道光丙戌武進士授 御前待衛歷官至  
廣西隆林營遊擊護理鎮安協印務廣西俗多強悍士  
卒梗頑且苗搖雜處罔識禮法德裕至推誠布公以恩  
信相結宣布 朝廷德意與講明禮義故蒞任數載地方  
安謐無梗化之虞後以水土不適卒於軍其喪歸徭民感  
泣相送者絡繹於途云

孟廣祿 奉祀生同治六年擒匪入境禦賊被難蒙  
恩賜卹給予雲騎尉世職

袁啟濬 從九品同治六年擒匪入境禦賊被難蒙 恩  
賜卹給予雲騎尉世職

袁啟塘 廩生與兄啟濬同時禦賊被難蒙 恩賜卹給  
予雲騎尉世職

王道善 家貧早廢學然性喜汎覽尤好左氏春秋及  
資治通鑑雖老師宿儒無以難同治丁卯擒匪餘孽抵青  
州遇防復回擾長山道善從父伯麟荷戈出戰自辰至午斃  
賊甚夥賊衆益聚遂被執道善給賊曰汝曹所志貨財耳

倘釋吾父鉅金可立致賊信之釋伯麟縛以免道善罵賊  
不屈遂遇害時年二十四歲

人類

境內有回民十九戶一百五十餘人居城裏周村二處

戶口

本境內共漢戶萬二千二百六十八戶無旗戶

共男十五萬零二百口

共女十二萬五千八百零二口

氏族

朱氏 自宋初居縣南關至今傳三十八世

王氏 自宋居縣城東北大牛家莊至今傳二十五世

劉氏 自前明洪武二年由直隸甯津遷居縣城南太和莊

至今傳二十一世

王氏 自前明洪武二年由直隸東強遷居縣城東南張

家坊至今傳二十世

李氏 自前明洪武二年由直隸東強遷居縣城西南李

家峪至今傳二十世

李氏 自前明永樂四年由直隸東強遷居縣城南古城至

今傳十九世

袁氏 自前明洪武二年由直隸東強遷居縣城北焦

家橋至今傳二十二世

徐氏 自前明洪武二年由江蘇崑山遷居縣城內至今傳

二十二世

安氏 自前明洪武四年由直隸東強遷居縣城東南北旺

莊至今傳二十一世

聶氏 自前明洪武四年由直隸東強遷居縣城南二十里

舖莊尚莊至今傳二十一世

石氏 自前明洪武二年由直隸東強遷居縣城東石家

莊至今傳二十世

宗教

天主教民二十名

耶穌教民四十二名


實業

士七千三百人

是十萬零一千九百人

公三萬五千八

百一萬六千人



地理

長山縣在山東省濟南府城之東二百里

四界 東至新城界

西至鄒平界

南至淄川界

北至新城界

全境分五路共分五十六約

以下東路愷悌約在城東關東界温厚約南界孝先約西界崇信約

北界昭忠約

樂天約在城東十五里東界觀德約南界有位約西界循牆

約北界循牆約

循牆約在城東十里東界樂天約南界有位約西界潔已

約北界温厚約

温厚約在城東六里東界循牆約南界循牆約西界愷

悌約北界屢豐約

屢豐約在城東北十二里東界新城南界温厚約西界足

民約北界持志約

理順約在城東南三十里東界新城南界美中約西界觀

德約北界觀德約

觀德約在城東南二十里東界理順約南界美中約西界

樂天約北界循牆約

美中約在城東南三十里東界淄川南界淄川西界自宣約

北界觀德約

柔嘉約在城東六十里東界臨淄南界益都西界新城北

界有守約

有守約在城東六十里東界臨淄南界柔嘉約西界新

城北界新城

以下西路崇信約在城西關東界愷悌約南界孝先約西界禮耕

約北界禮耕約

禮耕約在城西六里東界有恥約南界有恥約西界崇

信約北界廉善約

廉善約在城西五里東界崇信約南界禮耕約西界正誼

約北界忻耐約

尚義約在城西八里東界易直約南界禮耕約西界鄒平

北界廉善約

易直約在城西南十二里東界澄心約南界秉哲約西界有  
恥約北界有恥約

好山約在城西南三十五里東界平山約南界章邱境西界  
鄒平境北界愛山約

有恥約在城西南八里東界澄心約南界止爭約西界易直  
約北界崇信約

正誼約在城西八里東界尚義約南界忻耐約西界鄒平境  
北界鄒平境

忻耐約在城西北十里東界有喜約南界有喜約西界正  
誼約北界鄒平境

愛山約在城西南二十五里東界好山約南界好山約西界鄒  
平境北界鄒平境

平山約在城西南三十里東界秉哲約南界秉哲約西界  
好山約北界愛山約

以下  
南路 孝先約在城南關東界愷悌約南界止爭約西界崇信  
約北界昭忠約

內省約在城南十八里東界任賢約南界梁身約西界  
承歡約北界澄心約

有位約在城東南二十里東界旬宣約南界睦媻約西界  
潔已約北界循牆約

睦媻約在城東南二十五里東界型仁約南界淄川境西界  
任賢約北界有位約

任賢約在城南二十里東界睦媻約南界肅恭約西界梁  
身約北界潔已約

梁身約在城南二十里東界任賢約南界肅恭約西界  
承歡約北界內省約

型仁約在城東南二十五里東界旬宣約南界睦媻約西界  
有位約北界睦媻約

潔已約在城南二十里東界有位約南界睦媻約西界澄心  
約北界止爭約

澄心約在城南十五里東界止爭約南界內省約西界